

34 unit Rumah Kekal Banjir akan dibina - Fadillah

Oleh Saadiah Ismail - Januari 3, 2022 @ 7:23pm
saadiah_ismail@bh.com.my



Fadillah ketika melakukan tinjauan pemasangan Jambatan Bailey di Batu 19, Jalan Sungai Lui, Hulu Langat. - Foto Facebook Menteri Kanan Kerja Raya, Datuk Seri Fadillah Yusuf

HULU LANGAT: Kira-kira 34 unit rumah di kawasan Hulu Langat di sini, yang dikenal pasti musnah atau rosak teruk akibat kejadian banjir bakal menerima Rumah Kekal Banjir.

Menteri Kanan Kerja Raya, Datuk Seri Fadillah Yusuf, berkata kementerianya sudah mengemukakan kepada Agensi Pengurusan Bencana Negara (NADMA) berhubung cadangan bantuan membina rumah baharu itu kepada mangsa banjir yang terjejas.

Beliau berkata, Rumah Kekal Banjir mempunyai dua rekaan yang dicadangkan sama ada dibina di atas tanah bernilai RM56,000 atau bertiang bernilai RM75,000.

"Ia dibina dengan keluasan 660 kaki persegi, mempunyai tiga bilik tidur, satu bilik air, satu bilik mandi, ruang tamu dan dapur.